

金上甄商代金文漢書卷之五十四



全晉文卷六十七

烏程嚴可均校輯

褚碧

碧河南陽翟人魏時爲縣吏景元初豫州刺史王沈引爲主簿入晉累遷至安東將軍

白刺史王沈

奉省教旨伏用感歎勞謙曰昃思聞苦言愚謂上之所好下無不應而近未有極諫之辭遠無傳言之箴者誠得失之事將未有也今使敎命班下示已賞勸將恐拘介之士或憚賞而不言貪賕之人將貪利而妄舉苟不合宜賞不虛行則遠聽者未知當否之所在徒見言之不用謂設有而不行愚已告下之事可小須後

晉書王沈

傳沈爲豫州刺史至鎮乃下敎主簿陳厥褚碧曰云云據下文褚碧復白故此編入褚碧文

復白

堯舜周公所已能致忠諫者已其款誠之心著也冰炭不言而冷  
熱之質自明者已其有實也若好忠直如冰炭之自然則諤諤之  
臣將濟濟而盈庭逆耳之言不求而自至若德不足已配唐虞明  
不足已竝周公實不可已同冰炭雖懸重賞忠諫之言未可致也  
昔魏絳由和戎之功蒙女樂之賜管仲有興齊之勳而加上卿之  
禮功勳明著然後賞勸隨之未聞張重賞已待諫臣懸穀帛已求  
盡言也

晉書王沈傳沈又敎褚詵復  
白沈無已奪之遂從詵議

褚裒

裒字季野詵孫辟西陽王掾歷吳王文學蘇峻之亂車騎將軍  
郗鑒引爲參軍峻平封都鄉亭侯遷司徒從事中郎除給事黃  
門侍郎出爲豫章太守康帝卽位已后父徵拜侍中遷尙書出  
爲建威將軍江州刺史鎮平州遷左將軍兗州刺史假節鎮金  
城領琅邪內史穆帝卽位授衛將軍徐兗二州刺史假節鎮京

表口永和初進號征北大將軍儀同三司尋除征討大都督青揚  
徐兗豫五州諸軍事爲石遵將李菟所敗憂卒贈侍中太傅諡

曰元穆

上疏固請居藩

臣已虛鄙才不周用過蒙國恩累忝非據無勞受寵負愧實深豈  
可復加殊特之命顯號重疊臣有何勳可已克堪何顏可已冒進  
委身聖世豈復遺力實懼顛墜所誤者大今王略未振萬機至殷  
陛下宜委誠宰輔一遵先帝任賢之道虛已受成坦平心于天下  
無宜內示私親之舉朝野失望所損豈少

晉書褚哀傳時有司已哀皇太后父議加不臣

之禮拜侍中衛將軍錄尚書事持節都督刺史如故哀上疏固請居藩

重陳北伐事宜

前所遣前鋒督護王頤之等徑造彭城示已威信後遣督護麋嶷  
進軍下邳賊卽奔潰嶷率所領據其城池今宜速發已成聲勢

晉書

褚裒  
傳

褚爽

爽字宏茂小字期生裒孫爲義興太守早卒已恭思皇后父追贈金紫光祿大夫有集十六卷

禊賦

伊暮春之令月將解禊于通川凌元已之清晨邈微風之泠然川迴瀾已澄映嶺峭嶸已霏煙輕霞舒于翠崖白雲映乎青天風透林而自清氣扶嶺而載軒藝文類聚四御覽三十

郭奕

奕字大業魏志郭淮傳引晉諸公贊作泰業太原陽曲人車騎將軍淮弟之子

仕魏爲野王令咸熙初爲文帝相國主簿晉受禪初建東宮已

爲太子中庶子遷右衛率驍騎將軍封平陵男咸寧初遷雍州

刺史鷹揚將軍太康中徵爲尚書遷太常卒諡曰簡

表論楊駿

駿小器不可任呂社稷

晉書郭奕傳

鄒湛

湛字潤甫南陽新野人仕魏歷通事郎大學博士泰始初轉尚書郎廷尉平征南從事中郎入為太子中庶子太康中拜散騎常侍出補渤海太守轉太傅楊駿長史遷侍中駿誅坐免尋起為散騎常侍國子祭酒轉少府元康末卒有易統略若干卷集

三卷

為諸葛穆荅晉王令

一作命

高世之君赦罪責功略小取大

文選上選與陳伯之書注

雖曰博納虛懷下開

文選沈約齊安陸昭王碑文注

郝詡

詡仕魏入晉為安遠護軍

與故人書

與尚書令裴秀相知望其爲益

晉書裴秀傳

趙至

至字景真代郡人改名浚字允元徙遼西舉郡計吏太康中己

良吏赴洛卒

與嵇茂齊書

李善注引干寶晉紀曰爲呂安與嵇康書

安白昔李叟入秦及關而歎梁生適越登岳長謠夫己嘉遯之舉  
猶懷戀恨況乎不得已者哉惟別之後離羣獨游背榮宴辭倫好  
經迴路涉沙漠雞鳴戒旦則飄爾晨征日薄西山則馬首靡託尋  
歷曲阻則沈思紆結乘高遠眺則山川悠隔或乃迴飈狂厲白日  
寢光踦蹠交錯陵隰相望徘徊九皋之內慷慨重阜之巔進無所  
依退無所據涉澤求蹊披榛覓路嘯詠溝渠良不可度斯亦行路  
之艱難然非吾心之所懼也至若蘭茝傾頓桂林移植根萌未樹

耳淺絃急常恐風波潛駭危機密發斯所已怵惕于長衢按轡而  
歎息也又北土之性難已託根投人夜光鮮不按劒今將植橘柚  
于玄朔帶華藕于修陵表龍章于裸壤奏韶舞于龔俗固難已取  
貴矣夫物不我貴則莫之與莫之與則傷之者至矣飄飄遠遊之  
士託身無人之鄉總轡遐路則有前言之艱懸輦陋宇則有後慮  
之戒朝霞啟暉則身疲于遄征太陽戢曜則情劬于夕惕肆目平  
隰則遼廓而無覩極聽修原則淹寂而無聞吁其悲矣心傷悴矣  
然後乃知步驟之士不足爲貴也若邁顧影中原憤氣雲踊哀物  
悼世激情風烈龍睇大野虎嘯六合猛氣紛紜雄心四據思躡雲  
梯橫奮八極披艱埽穢蕩海夷岳蹴崑崙使西倒蹋太山令東覆  
平滌九區恢維宇宙斯亦吾之鄙願也時不我與垂翼遠逝鋒鉅  
靡加翅翮摧屈自非知命誰能不憤悵者哉吾子植根芳苑擢秀  
清流布葉華崖飛藻雲肆俯據潛龍之淵仰蔭棲鳳之林榮曜眩

其前豔色餌其後良儔交其左聲名馳其右翱翔倫黨之間弄姿  
帷房之裏從容顧眄綽有餘裕俯仰吟嘯自己爲得志矣豈能與  
吾同大丈夫之憂樂者哉去矣嵇生永離隔矣煢煢飄寄臨沙漠  
矣悠悠三千路難涉矣攜手之期邈無日矣思心彌結誰云釋矣  
無金玉爾音而有遐心身雖胡越意存斷金各敬爾儀敦履璞沈  
繁華流蕩君子弗欽臨書悵然知復何云

文選晉書文苑趙至  
傳藝文類聚三十

自敘

嵇康謂至曰卿頭小銳童子白黑分明覘占停諦有白起風

御覽  
三百

六十

東據

據字道彥潁川長社人辟大將軍府出爲山陽令遷尙書郎轉

右丞賈充伐吳請爲從事中郎還徙黃門侍郎冀州刺史太子

中庶子有集二卷

表志賦并序

據忝職門下在帷幄之末與羣士敘齊登玉陛侍日月久矣出爲冀州刺史犬馬戀主既有微情且志之所存不能無言因而賦之

曰

過承嘉惠擢身泰晨俯躡丹墀仰承三辰當樂夏之颿南蒙朱陽之和仁接鳴鸞之垂翼因神虬之光鱗浮眇末之纖質濟吾身于天津邈盧敖之所涉階多士之遺塵登九垓之虛軌覲汗漫之威神情飄飄而凌雲意髣髴于真人扶搖薄于懸圃增城鬱已嵯峨被羽衣之飛飛握若蕙之芳華蹈糾紛之絕軌攀大椿之疏柯意翹翹而慕遠思濯髮于天波悲落葉之思條情戀戀于昊蒼懷聖德之弘施情慘切而內傷感有莘之媵臣願致主于陶唐

藝文類聚二十

六

逸民賦

令翁滋對春蘭令蕙芳

文選

沐甘露兮餘滋握春蘭兮遺芳

文選謝靈運徑竹斤澗越嶺溪行詩注

### 登樓賦

懷離客之遠思情慘憫而惆悵登茲樓而逍遙聊因高呂遐望感  
斯州之厥域實帝王之舊疆挹呼沱之濁河懷通川之清漳原隰  
開闢蕩臻夷藪桑麻被野黍稷盈畝禮儀既度民繁財阜懷桑梓  
之舊愛信古今之同情鍾儀慘而南音莊舄感而越聲豈吾人之  
狹隘能去心而無營情戚戚于下國意乾乾于上京

藝文類聚六十三

### 船賦

伊河海之深廣吁嗟繇邈而无垠彼限隔而靡覩兮此由茲而莫  
聞雖后土之同載兮實殊代而乖分嘉聖王之神化兮理通微而  
達幽悼民萌之隔塞兮愍王教之不周立成器已備用兮因垂象  
已造舟濟凌波之絕軌兮越巨川之玄流水无深而不渡兮路无  
廣而不由運重固之滯質雖載沈而載浮飄燕鼎于吳會轉金石

于洪濤溯无涯之浩浩不抑進而輒畱登揚侯之激浦兮方鳳翔  
而龍游雖滔天而橫厲長抱樂而无憂且論器而比象似君子之  
淑清外質朴而无飾內空虛已受盈乘流則逝遇抵而停受命若  
響唯時而征不辭勞而惡動不偷安而自盜不貪財已徇功不憂  
力而欲輕豐儉隨乎質量所勝任乎本形雖不乘而常浮雖涉險  
而必正且其行無轍跡止無所根不疾而速忽若馳奔周游曲折  
動與時併博載善施心无所營囊括品物受辱含榮唯載涉之所  
欲混貴賤于一門包涵通于道德普納比乎乾坤感斯用之卻廣  
信人道之所存

藝文類聚七十一北堂書鈔一百三十七引  
兩條初學記二十五御覽七百七十引三條

追遠詩序

先君爲鉅鹿太守迄今三紀忝私爲冀州刺史班詔次于郡傳

宋書

百官

志下 鳳書燕王封

馮收

齊東人駿晉則尚書卿今有集五卷

收河東人魏晉間尚書郎

與劉原書薦王接

夫駢騁不總轡則非造父之肆明月不流光則非隋侯之掌伏惟  
明府苞黃中之德耀重離之明求賢與能小無遺錯是已鄙老思  
獻所知竊見處士王接岐嶷雋異十三而孤居喪盡禮學過目而  
知義觸類而長斯玉鉉之妙味經世之徽猷也不患玄黎之不啟  
竊樂春英之及時

晉書王接傳渤海劉原爲河東太守已旌才爲  
務同郡馮收試經爲郎年七十餘薦接于原云

云案接被薦時  
當在武末惠初

江偉

偉陳畱襄邑人仕魏官爵未詳武帝時爲通事郎有集六卷

答弟廣平賀蜡詩序

正元二年冬臘家君在陳郡余別在國舍不得集會弟廣平作詩

已詒余余因答之

藝文類  
聚五

襄邑令傅渾頌

君稟二儀之醇粹履元亨之貞和比德金玉而堅白不磨自處戶  
庭而名稱家邦不出門庭而聲播諸華矣弱冠而應式敘起家而  
君斯民其爲政也同勵秋霜等惠春仁刑不濫疏賞不僭親儀天  
地之簡易則大道之清純是已其道易行其教易遵也凡我士民  
緇老攜幼惴惴而懷君之恩顒顒而戀君之德相與援衡軒而雨  
涕若赤子于父母也

明明君侯臨下有赫克隆有光惠我咫尺于已具瞻有觀其宅乃  
冰其清乃玉其白風抗其高雲垂其澤宛荆未清淮夷孔熾春日  
萋萋我車旣備光光我君爰登有司微微襄魯有垌斯記君有遺  
愛民有餘思敢揚斯頌垂之來志

藝文類聚五十

宣舒

舒字幼驥陳郡人爲宜城令有集五卷

通知來藏往論

經典敘錄

申袁準從母論

或曰案準已經云從母是其母姊妹從其母來爲己庶母其親益重故服小功非通謂母之姊妹也宣舒曰二女相與行有同車之道坐有同席之禮其情親而比其恩曲而至由此觀之姊妹通斯同矣兄妹別斯異矣同者親之本異者疏之源也然則二女之服儼其不重邪兄妹之服何其不輕邪曰同父而生父之所不降子亦不敢降故二女不敢相與重然則舅何故三月邪從母何故小功邪曰故母取其愛是已外王父之尊禮無厭降之道爲人子者順母之情親乎母之類斯盡孝之道也是已從母重而舅輕也曰姑與叔父斯王父愛之所同也父之所不降子亦不敢降此叔父與姑所已服同而無降也

通典九十二

孫毓

毓字仲泰山人魏時嗣父觀爵呂都亭侯仕至青州刺史

見魏志臧

霸傳一云字休明北海平昌人

見經典敘錄

入晉爲太常博士歷長沙

汝南太守有毛詩異同評十卷春秋左氏傳注二十八卷孫氏成敗志三卷集六卷

### 賀封諸侯王表

臣聞軒轅二十五宗黃祚呂繁姬姓建國七十周過其歷故禦侮莫如同德伏唯陛下聖哲欽明稽乾作則超五越三與靈協契天祚明德克昌祚胤秦王楚王淮南王光濟碩美冠于羣后改建大國分鎮方岳皇太子皇孫竝啟土宇培敦潼索制弘往代內輸皇畿外蕃九服羣生仰德向風懷義率土臣妾莫不稱慶

藝文類聚五十一

### 廟制議

攷工記左祖右社孔子曰周人敬鬼神而遠之近人而忠焉禮諸侯三門立廟宜在中門外之左宗廟之制外爲都宮內各有寢廟